

醫宗金鑑

卷三至
卷四

百會疽

百會疽在巔頂結經屬督脈百會穴初如粟米漸如錢甚似葡萄堅似鐵高腫熱實清毒火平場陽虛溫補怯腫連耳項動痰聲七日不潰命必絕〔註〕此百會疽又名玉頂發生在巔頂正中屬督脈經百會穴由膏粱太過火毒凝結而成初起形如粟米漸腫根大如錢甚則形似葡萄堅硬如鐵高尖紅腫焮熱疼痛瘡根收束憎寒壯熱大渴隨飲隨乾口苦唇焦便秘煩躁脈見洪數者此屬氣實宜服黃連消毒飲以清毒火外敷沖和膏若漫腫平塌紫暗堅硬舉痛根散惡寒便瀉脈見細數者此屬陽虛宜服十全大補湯以溫補之外敷回陽玉龍膏若面赤

百會穴在頂中央自面側觀之正對耳尖

百會疽圖



過煩口乾不渴脣潤者此屬陽虛浮泛宜服桂附地黃丸引火歸源更用生附子餅置兩足心涌泉穴各灸五壯以洩其毒初起貼琥珀膏已潰糝黃靈藥太乙膏蓋貼腐盡再易生肌之藥治之若腫連耳項痰如拽鋸七日無膿不潰神昏者命必絕矣

黃連消毒飲

蘇木二分

甘草三分

陳皮二分

桔梗五分

黃芩五分

黃蘗五分

人參三分

藜蘆五分

防己五分

防風四分

知母四分

羌活一分

獨活四分

連翹四分

黃連一錢

生地黃四分

黃耆二錢

澤瀉二分

當歸尾四分

水煎食遠溫服

〔方歌〕黃連消毒清毒火諸般火證服最良蘇木甘草陳皮桔芩藥人參藜蘆二防知母羌活獨活等連翹黃連生地黃耆澤瀉當歸尾服後最忌飲寒涼

沖和膏

回陽玉龍膏

俱見腫門

生肌散

十全大補湯

黃靈藥

太乙膏

俱見潰瘍門

桂附地黃丸

附子餅

見前灸法

琥珀膏

見後髮際瘡

透腦疽

透腦疽生百會前形如雞子痛而堅輭漫膿稀虛塌陷紅硬膿稠實腫尖〔註〕此證生於百會穴之前顙門之際亦由督脈經火毒而成初如粟米漸如雞子堅硬疼痛瘡頂塌陷根脚漫腫色暗者屬虛若色紅腫硬頂尖膿稠者屬實速潰者順遲潰透腦髓者逆其腫潰內外治法俱按百會疽

侵腦疽

侵腦疽生透腦旁溼火攻發屬太陽穴名五處知其位紅順紫逆要審詳〔註〕此疽生於透腦疽側下由太陽膀胱經溼火而成穴名五處紅腫高起焮熱疼痛膿色如蒼蠅者屬氣血俱實順而易治若紫陷無膿根脚散大者屬氣血兩虛逆而難治初起宜服荊防敗毒散汗之次服內疎黃連湯下之將潰服託裏透膿湯已潰服託裏排

膿湯外貼琥珀膏圍敷冲和膏其餘內外治法俱按癰疽潰瘍門

透腦疽生在百會穴前顙會穴前

透腦侵腦疽圖



侵腦疽生在透腦疽前側下五處穴

託裏透膿湯

人參

白朮土炒

穿山甲炒研

白芷

錢各一

升麻

甘草節

各五分

當歸二錢

生黃耆三錢

阜角刺

一錢五分

青皮

炒五分

水三鍾煎一鍾病在上部先飲煮酒一鍾後熱服此藥病在下部先服藥後飲酒瘡在中部藥內兌酒半鍾熱服

〔方歌〕託裏透膿治癰疽已成未疽服之宜參朮甲芷升麻草當歸黃耆刺青皮

荆防敗毒散

見項部腦疽

內疎黃連湯

冲和膏

俱見腫瘍門

託裏排膿湯

見項部魚尾毒

琥珀膏

見髮際瘡內

佛頂疽

佛頂疽屬督上星陰陽不調毒熱成不論虛實皆險證潰爛黑陷必然凶〔註〕此證一名頂門疽生於頭頂顙門之前屬督脈經上星穴由藏府陰陽不調熱毒上壅而成色紫堅硬腫痛脈洪大而數者爲實脈微細而數者爲虛皆屬險證若潰爛黑陷六脈散大神昏譫語二便閉結者爲逆首尾內外治法俱按百會疽

佛頂疽生在透腦疽之前上星穴

佛頂疽圖



額疽

額疽生額火毒成左右膀胱正督經頂陷焦紫無膿重高聳根收紅腫輕〔註〕此證生前額正中者屬督脈經或生左右額角者屬膀胱經總由火毒而成初起瘡頂塌陷乾焦色紫不生大膿者其勢重而屬險也若紅腫高聳瘡根收束者其勢輕而屬順也初服荊防敗毒散汗之次服仙方活命飲消之將潰氣虛者宜服託裏透膿湯氣實者宜服透膿散外敷沖和膏已潰宜服託裏排膿湯外貼琥珀膏其餘內外治法俱按癰疽潰瘍門

荆防敗毒散
見項部
託裏排膿湯
見項部
魚尾毒

仙方活命飲
見腫門
琥珀膏
生髮
瘡內

託裏透膿湯
見前
瘡

透膿散

沖和膏
俱見腫門

額疽圖

額疽

傍額疽

傍額疽



勇疽

勇疽皆後太陽穴膽經怒火伏鼠形七日不潰毒攻眼黃膿爲吉黑血凶〔註〕此證一名勇疽又名腦發疽屬足少陽膽經怒火而成生於目小眦之後五分生在太陽穴者無論左右皆可以生初起如粟漸腫疼痛形如伏鼠面目浮腫七日信膿不潰火毒攻睛腐爛損目若十一日鍼出黃膿毒從膿解爲順易治若出紫黑血者係氣虛不能化毒爲逆難治初服仙方活命飲清解之毒甚宜服內疎黃連湯外敷二味拔毒散其將潰已潰內外治法俱按癰疽腫瘍潰瘍門潰後避風忌水

仙方活命飲

內疎黃連湯

二味拔毒散

俱見腫門

勇疽圖



勇疽生在眼角後五分童子膠穴又名太陽穴

鬢疽

鬢疽三焦膽二經證由慾怒火凝成此經氣多而血少潰腐惟宜少見膿〔註〕此證發於鬢角屬手少陽三焦足少陽膽二經由於相火妄動外受風熱更因性情急慾念火生凝結而成此二經俱屬氣多血少最難腐潰更兼鬢角肌肉澆薄不宜鍼灸候其自潰潰後不宜多見膿膿多者過耗血液難斂初起宜服柴胡清肝湯解之膿成者宜託裏消毒散託之外敷二味拔毒散已潰內外治法俱按癰疽潰瘍門

柴胡清肝湯

柴胡

生地 各一錢五分

當歸 二錢

赤芍 一錢五分

川芎 一錢

連翹 二錢 去心

牛蒡子 一錢 炒研

黃芩 一錢

生梔子 研

天花粉

甘草 節

防風 錢各一

水二鍾煎八分食遠服

〔方歌〕柴胡清肝治怒證宜血疎通解毒良四物生用柴翹蒡黃芩梔粉草節防

託裏消毒散

二味拔毒散

俱見腫瘍門

鬢疽圖

鬢疽生在左右鬢角



天疽 銳毒

天疽居左銳毒右經屬膽腑生耳後謀慮太過鬱火成此處肉薄當急救〔註〕此二證左爲天疽右爲銳毒俱生耳後一寸三分高骨之後天者不盡天年謂之天銳者如鋒刃之銳利言毒甚也得此二證愈者甚少初起俱如黍粒漸腫如瓜堅硬平塌紫暗不澤較諸瘡疼痛倍增名雖各異而左右耳後俱屬足少陽膽經由謀慮不決鬱火凝結而成此處皮肉澆薄氣多血少終屬險證急當治之遲則熱氣下入淵液前傷任脈內薰肝肺惡證悉添必致不救若紅腫速潰者順堅硬黑陷者逆如果投方應證亦只十全四五也初宜服柴胡清肝湯消解之膿將成宜服託裏消毒散虛者十全大補湯託補之外俱敷烏龍膏其餘內外治法俱按癰疽腫潰瘍門

淵液膽經穴名

柴胡清肝湯

見前
癰疽

託裏消毒散

烏龍膏 俱見腫
癰門

十全大補湯 見潰
癰門

天疽銳毒圖



天生左耳後一寸三分高骨後

銳毒生右耳後一寸三分高骨後

耳後疽

耳後疽生耳摺間三焦風毒膽火炎紅腫有頭焮爲順黑陷癰痛冷潰難〔註〕此證生於耳摺之間無論左右屬三焦經風毒兼膽經怒火上炎而成初起如粟漸增腫痛小者如杏大者如桃若紅腫有頭焮熱易潰稠膿者爲順若黑陷堅硬癰痛引腦甚則頂頰肩肘俱痛不熱遲潰紫血者爲逆初治法同天疽已潰內外治法俱按癰疽潰瘍門又有初起失於託裏或誤食寒涼則毒不能外發遂攻耳竅膿從耳竅出者名爲內潰屬虛多服十全大補湯大抵少年得此證者其愈最緩老年得此證者易於成漏

十全大補湯 見潰
癰門

耳後疽圖



耳後疽生耳上梢之後角孫穴開口有空陷下之處左右相同

耳發

耳發三焦風熱成初椒漸若蜂房形赤腫疼痛生輪後黃膿屬吉紫血凶〔註〕此證生於耳後屬三焦經風熱相搏而成初如椒粒漸腫若蜂房將腐亦多眼孔焮赤疼痛腫連耳輪蓋發者乃癰證之毒甚者也不可聽其自潰恐潰遲膿通耳竅當在十一日後翦破瘡頂出黃白膿者屬吉爲順出紫鮮血者屬凶爲逆初起俱宜服仙方活命飲消之外敷二味拔毒散其餘內外治法俱按癰疽潰瘍門

仙方活命飲

見腫瘍門

二味拔毒散

見腫瘍門

耳發生耳摺間連耳輪通腫甚則膿串耳竅同右相左

耳發圖



耳根毒

耳根毒初痰核形腫如伏鼠焮赤疼三焦風火膽怒氣暴腫潰速非疽癰〔註〕此證生於耳後初起形如痰核漸增腫勢狀如伏鼠焮赤疼痛由三焦風火膽經怒氣上沖凝結而成但此證暴腫潰速根淺易愈非若癰疽之勢大毒甚也初起寒熱往來宜服荊防毒散汗之發熱痛甚者仙方活命飲消之膿成者服透膿散虛者服託裏透膿湯潰後外撒紅靈藥貼太乙膏膿盡換搽生肌玉紅膏生肌斂口若遇虛者膿水清稀或瘡口斂遲即服香貝養榮湯補之自斂

仙方活命飲

見腫瘍門

荊防敗毒散

見項部腦疽

透膿散

見腫瘍門

託裏透膿湯

見侵腦疽

紅靈藥

生肌玉紅膏

見腫瘍門

太乙膏

俱見潰瘍門

香貝養榮湯

見項部石疽

耳根毒圖

耳根毒生在耳垂後偏中縫上左右相同



玉枕疽

玉枕疽屬督脈經證由積熱風邪乘枕骨微上腦戶穴高腫爲順紫陷凶〔註〕此證由督脈經積熱外受風邪凝結而成生在玉枕骨尖微上腦戶穴初起如粟麻癢相兼寒熱往來口渴便秘漸增堅硬大者如茄小如鵝卵紅活高腫潰出稠膿者屬吉而順也若紫暗塌陷潰出血水者屬凶險也初則俱服神授衛生湯消解之虛者宜服託裏消毒散外敷沖和膏其餘內外治法俱按癰疽腫潰瘍門

神授衛生湯

託裏消毒散

沖和膏

俱見腫瘍門

玉枕疽圖



玉枕疽生腦後在玉枕骨尖上腦戶穴在百會穴之後四寸半

腦後發

腦後發生在督經熱結風府粟腫疹紅活易潰稠膿順紫暗難潰血水凶〔註〕此證屬督脈經枕骨之下風府穴由積熱外受風邪凝結而成初如粟米腫作疼痛引頭頂肩項氣粗鼻塞漸大如盤如盞紅活速潰出稠膿者順紫暗難潰時津血水者逆初起內外治法按玉枕疽其餘內外治法俱按癰疽腫潰瘍門

腦鑠

腦鑠項後如橫木精涸毒火上乘生黑如竈煙牛脣硬木痛未腐水流清急施桑艾法至痛火燎刺痛屬陽經速服仙方活命飲若見七惡定然凶〔註〕此證先於督脈經風府穴由陰精枯涸毒火乘之而生初起形如椒粒堅硬紫暗漸腫如橫木甚則上至巔頂下至大椎色如竈煙硬若牛脣未膿皮先腐爛時流清水肌肉冰冷輕者木

腦 後 發 圖

腦後發在玉枕骨之下



痛重者毒氣將陷全不知疼宜急施桑柴烘法或艾壯灸法以痛爲度速服仙方活命飲以舒解其毒七日之後不發長不生大膿者宜服十全大補湯救之投補藥不應者難治若初起熱如火燎刺痛屬陽證速服黃連消毒飲外敷回陽玉龍膏此證若首尾純見五善之證者屬順見七惡之證者屬逆也其餘內外治法俱按癰疽腫潰瘍門

桑柴烘法

艾壯灸法

俱見首卷

仙方活命飲

見腫瘍門

十全大補湯

見潰瘍門

黃連消毒飲

見前百會疽

回陽玉龍膏

見腫瘍門

腦 鑠 圖



腦鑠生在腦後入髮際一寸風府穴二大筋之中宛宛中央勢如橫木

油風

油風毛髮乾焦脫皮紅光亮癢難堪毛孔風襲致傷血養真海艾砭血痊〔註〕此證毛髮乾焦成片脫落皮紅光亮癢如蟲行俗名鬼剃頭由毛孔開張邪風乘虛襲入以致風盛燥血不能榮養毛髮宜服神應養真丹以治其本外以海艾湯洗之以治其標若耽延年久宜鍼砭其光亮之處出紫血毛髮庶可復生

神應養真丹

羌活

木瓜

天麻

白芍

當歸

菟絲子

熟地

酒蒸
搗膏

川芎

等分爲末入地黃膏加蜜丸桐子大每服百丸溫酒或鹽湯任下

〔方歌〕神應養真治油風養血消風髮復生羌歸木瓜天麻芍菟絲熟地與川芎

海艾湯

海艾

菊花

藥本

蔓荊子

防風

薄荷

荊穗

藿香

甘松

錢各二

水五六碗同藥煎數滾連湯共入廠口鉢內先將熱氣薰面候湯少溫用布蘸

洗日洗二三次洗後避風忌魚腥發物

〔方歌〕海艾湯治油風癢先薰後洗善消風菊藜蔓荊風薄穗藿香海艾與甘松

油風圖



油風生頭髮內毛髮脫落成片皮膚色紅光亮甚癢亦生鬚眉間及面部

白屑風

白屑風生頭與面燥癢日久白屑見肌熱風侵成燥化換肌潤肌醫此患〔註〕此證初生髮內延及面目耳項燥癢日久飛起白屑脫去又生由肌熱當風風邪侵入毛孔鬱久燥血肌膚失養化成燥證也宜多服祛風換肌丸

若肌膚燥裂者用潤肌膏擦之甚效

祛風換肌丸

大胡麻

蒼朮炒

牛膝酒洗

石菖蒲

苦參

何首烏生

花粉

葳靈仙

各二兩

當歸身

川芎

甘草

各一兩生

以上細末陳煮酒跌丸菴豆大每服二錢白滾

水送下忌魚腥發物火酒

〔方歌〕換肌丸治白屑風燥癢日增若蟲行風燥血分失潤養壘起白屑落復生歸芎胡麻蒼朮膝菖蒲花粉草葳靈苦參何首烏爲末煮酒跌丸菴豆形

潤肌膏

香油四兩

奶酥油二兩

當歸五錢

紫草一兩

將當歸紫草入二油內浸二日文火燂焦去渣

白屑風生於頭面作癢抓起白屑皮脫去又起其燥癢倍增

白屑風圖

